



## ÅRSBERETNING HOVEDSTYRET 2017 - 2018

### Visjon og verdier

Hordaland Skikrets bygger sin aktivitet på Norges Skiforbunds visjon og verdier. Disse er:

#### Visjon:

NSFs visjon er *“mange, gode og glade skiløpere”*

#### Verdier:

NSFs verdier er: *“Organisasjonen skal preges av frivillighet, demokrati, lojalitet og likeverd. All skiaktivitet skal bygge på grunnverdier som glede, felleskap, helse og ærlighet”.*

### Hordaland Skikrets sine hovudmål er:

- *Å skape skigleda for born og unge i Hordaland.*
- *Å tilby kompetanseheving for klubbane.*
- *Å vera ein støttefunksjon og fungere som eit bindeledd for klubbane i Hordaland for at desse skal kunne drive sin aktivitet på ein best mogleg måte.*
- *Å leggje til rette for våre skiløparar som ynskjer å konkurrere på et høgt nivå.*
- *Hordaland skikrets skal nytte sin posisjon til å påverke og fremje saker til det beste for skikretsen.*

### Styre:

I perioden 2017-2018 har hovedstyrets samansetning vore slik:

Funksjon	Navn	Lag
Leiar	Johan Børsheim	Ulvik IL
Nestleiar	Fredrik Hald	IL Fana
Styremedlem	Kristin Lemme	Voss freestyleklubb
Styremedlem	Mathilde H. Lassen	Fana IL
Leiar alpint	Bård Seterås	Fana IL
Leiar H/K	Magne Sørestrand	Eldar IL
Leiar LK	Trond Slethaug	Fana IL
Leiar FK	Olve Austefjord	Bergen freestyleklubb

### Styrearbeid

Det er avholdt 5 styremøter og 1 arbeidsutvalmøte i perioden. Det har vore 2 telefonmøter og 4 fysiske møter anten i Bergen eller på Voss. På dei 2 arbeidsutvalsmøtene har kun medlemma i styret som ikkje er leiarar i sine komitear møtt. Administrasjonssjef har deltatt på styremøter/AU-møter.

Nestleiar Fredrik var på ekstraordinært skiting våren 2017. Kretsleiar Johan Børsheim var med på NSF sitt haustmøte på Gardermoen i oktober 2017. I tillegg har Johan og nestleiar Fredrik delteke på kretsleiar møte i NSF, Johan på Vang under NM på ski 2018 og Fredrik i Drammen i samband med skiflygingsrennet i Vikersund 2018..

Av viktige saker som er fremja så har Hordaland skikrets i lag med Sogn & Fjordsane skikrins og Nord-Trøndelag skikrets fremja eit framlegg til Skitinget; der ein ynskjer at eventuell samanslåing av skikretsar skal vera frivillig.

## **Administrasjonen**

Administrasjonssjef har ansvar for alle fellesarrangement, fellesreiser, administrasjon av terminlister, informasjon til TD'er og klubbar, tilrettelegging av styremøter og komitémøter, trenerkurs etc.

## **Økonomi og sponsorarbeid**

Skikretsen har sunn økonomi og god økonomistyring. For rekneskapsåret 2017 gjekk skikretsen totalt med eit plussresultat på ca 100000,- Det har gjeve styret noko handlingsrom for tiltak. Difor er det bla satt av pengar til både klubb utvikling og anleggsarbeid i budsjettet for 2018. Inntektene kjem i stor grad gjennom overføringar frå skiforbund, idrettsforbund, bingopenger og momskompensasjon basert på omsetningstal. I tillegg er kretsens hovedinntektskilde antall startende løpere i terminfestete Renn, som går rett til respektive komite. Det er difor viktig med god deltaking på våre kretsrenn for at komiteane skal kunne tilby god aktivitet og tiltak gjennom skikretsen.

Hovedstyret har tidlegare år lagt ned ein innsats for å styrke økonomien med eit eige sponsorutval. Det har ikkje ført til særlege inntekter, men har vore ein god byggestein for slikt arbeid i vår skikrets. Sponsorarbeidet har det siste året vore i stor grad hos komiteane. Dette har gjeve inntekter til prosjekter for både langrenn og hopp/kombinert.

## **Arrangement**

Hordaland skikrets har vore arrangør og medarrangør på fleire ulike arrangement i inneverende periode. Her kan nevntast:

- Haustcampen 2017 med ca 90 deltakarar mellom 11 og 15 år. Alle greiner.
- Sumarcamp 2017 i Jondal med cirka 45 deltakarar mellom 11 og 15 år. Langrenn
- Frivilligseminar på Bømoen i samband med Haustcampen. I år var Åge Skinstad (tidl langrennssjef NSF) og Atle Rolstadaas (NSF utviklingsavdelingen) blant føredragshaldarane.
- Delarrangør på 2 Young attacking Vikings arrangement i Eikedalen og Myrkdalen.
- Tilrettelegging av basisanlegg i Myrkdalen i samarbeid med Eldar IL og Myrkdalen hotel.

Komiteene i Hordaland skikrets har også vært med å arrangere mange bredde og rekrutteringsarrangement i perioden.

## **Utdanning**

I perioden har følgande kurs vore arrangert:

- Trener II kurs alpint
- TD II -kurs alpint
- Trener I langrenn

## **Informasjon, markedsføring og kommunikasjon**

Styret og administrasjonens viktigste informasjonsplattformer er heimeside, e-post og sosiale medier. I arbeidet til skistyret, så er det viktig at klubbane og viktige aktørar som kommunar, fylke og andre idrettsorganisasjonar brukar skikretsen til kommunikasjon og samarbeid om viktige skisaker for vårt fylke.

Gjennom godt arbeid dei siste åra, så har skikretsen fått ein god kommunikasjon med skiforbundet og ressursar der. Med meir aktiv tilnærming til den gode kompetansen som er tilgjengeleg i vår eigen organisasjon, så har skikretsen dratt nytte av både anleggskompetanse, klubbutviklingskompetanse og arrangementskompetanse, som har vore tilstades gjennom:

- Prosjektet «1-2-3 ski i Bergen» eit prosjekt for å fremme utvikling av skianlegg i Bergen i samarbeid med NSF og skiklubbane i Bergen. Her har og er Marit Gjerland og Brit Baldishol i NSF viktige samarbeidspartnarar.
- Young attacking Vikings: Her har Jo Mork, Eivind Gjeraker og Erik Aas Andersen vore med å bidratt til innhald i Eikedalen og vore positive bidragsytarar i rekrutteringsarbeidet til alpintporten.
- Basisanlegg og arrangement: Her har Erik Aas Andersen vore med på både opning av Nye Drevtjørn og skapa eit basisanlegg for aktivitet der, samt at han var med i Myrkdalen og utforma eit basisanlegg for skiaktivitet også der. Skipresident Erik Røste og anleggsrådgjevar Marit Gjerland var med på opninga av Nye Drevtjørn.

Alle desse bidraga har vore positive for vår skikrets. Og me håpar at me kan utvikle vår skikrets og tilbod med slik inspirasjon og kunnskap også i framtida.

Me har tidlegare opplevd at det har vore noko lav forståelse for skikretsens rolle. I lys av dette så har det vore ein god vinter for skikretsen å verte kjent med klubbane og klubbane med kretsen gjennom våre klubbkveldar denne vinteren. I frå januar har skikretsen med klubbveglear Vilde Katrine Vethe, Bernt Rusten og fleire frå styret besøkt klubbane i både Kvam, Voss, Bergen, Odda og i Kvinnherad. Det har vore inspirerende kveldar å treffe dyktige friviljuge og bli kjent med aktivitetane dei tilbyr og utfordringane dei har.